



03814

二  
亭  
詩  
鈔



序

余之聞朱二亭也自朱子穎其後余至揚州遂獲  
與二亭見盡讀其詩間嘗取二人之詩論之子穎  
才雄氣駿多感激豪蕩之音其佳者在七言五言  
氣清神逸多沉澹空遠之趣其佳多在五言皆數  
十年詩人之英一亡而不可再遇者也夫詩之於  
道固未突然必由其人冒臆所蓄行履所至率然  
達之翰墨揚其菁華不可偽飾故讀其詩者如見  
其人二亭居揚州城北陋巷狹室而其胸次超然  
塵埃之外其可追媲陶淵明韋蘇州者非第詩也

二亭詩鈔

序

一

而詩乃發之嗟乎余年二十始見子穎子穎承先  
世用武之餘烈嘗思舍章句之業奮迹戎馬建立  
功名使後世知其豪俊而其詩亦時及此旨及暮  
年乃仕爲轉運使俯仰冠蓋商賈之間忽忽時有  
所不樂而二亭以布衣放情山水見俗人輒避去  
高吟自適以至老死子穎雖富貴而志終不伸二  
亭雖貧賤而可謂自行其志卒無餘恨者也往時  
子穎之子刻其詩集余爲論訂於七言十取七八  
五言十取三四而已若以訂二亭集則當反是今  
二亭子以其家稿來值余有脾胃之疾不能細讀

精擇之又二亭詩余素見者尙多今收之未備故姑爲序其首俾其子更搜集至備請他人取余意訂之成集可以傳後世而爲一代布衣詩人之絕出矣

嘉慶十二年九月桐城愚弟姚鼐序

二亭詩鈔

序

二

余丙申游廣陵始與二亭交時其族叔子穎都轉兩淮方以風雅號召當世承其風者如魚龍之趨大壑而二亭不喩喩以熱積月或一詣之獨好與脫略世故者酌酒賦詩常至申旦若余者亦其一也既而余將歸杭同人皆來餞別而二亭尤纏綿不能已所贈詩如颿光寒白酒木葉瘦青山及書燈漏衰柳僧磬出寒蘆之句頗傳於人口自是以後余官京師忽忽二十餘年雖請假南來間或一見但欲求往時朋酒之樂渺不可得及丙寅余重至揚州主講安定書院而二亭歿已七年矣又一

二亭詩鈔

序

三

年令子慎履始襲遺集來求論定覓曩作已無復在者豈少陵所謂老去漸於詩律細而割棄之耶抑亦散佚而不自收拾邪然所存者已皆可傳而五言尤可傳姚姬傳先生序稱子穎詩激發豪蕩佳多在七言二亭詩沉澹高遠佳多在五言旨哉知言哉世固有憔悴之士抑情冲漠自放於山巔水涯或枯槁而不足于言或言之而意輒盡而二亭性豪上果於然諾少思以武自見既不得試益奮志于書于書無所不讀時或布衣草履遨遊賓客間人望之皆知寶重故爲詩雖力趨平淡而精

悍之色踴躍曲赴未嘗不肖其爲人記曰鼓無當於五聲五聲弗得不和水無當於五色五色弗得不章蓋必五聲五色之旣備而後有和之章之者故能渣滓融釋菁英畢騰夫爲詩亦若是而已矣二亭質地本超又益之學問其生平旣不肯以塵雜自累使吾之所以報知己者不令其精神所在軒豁呈露毋乃負負故復爲雜夷選存六卷反覆視之信非凡近人所能道而二亭之真出矣而二亭之品見矣所惜紅橋白塔間向所與徘徊憑眺者今則蟲呼鳥號榛莽叢雜顧瞻舊侶零落殆盡

二亭詩鈔

序

四

求二亭之詩而不得而并讀二亭之詩者亦幾無其人也嗚呼嘉慶戊辰秋七月錢唐吳錫麒撰

先大人所著越遊草岱遊草甲午歲思堂叔祖爲  
都轉時卽欲付梓 先大人以未曾刪定辭後吳  
竹屏觀察牛揮雲太守均欲代刊而未果嗣白泉  
叔觀察江寧爲思堂叔祖刻海愚詩抄并刻 先  
大人詩親赴 履 家取全藁去而字跡模糊古今體  
前後錯雜必須 先大人親自編緝時 先大人  
遊牛首懶操鉛槧又不果丁巳歲 先大人下世  
後 履 日夜謀付剞劂而力苦不足又遵 先大人  
遺訓不得爲託鉢之舉是以賜迴九轉者十餘年  
矣丁卯春袁子嘯竹自東海來詢及 先大人遺

二亭詩鈔

跋

一

集 履 告以顛末嘯竹慨然曰先生之事門人之責  
也遂與葉子布帆李子華白薛子芸人分體編抄  
釀金助梓爰乞姬傳先生作序穀人先生刪定嘯  
竹與布帆華白芸人讐校刻於丁卯冬十月朔日  
竣於戊辰閏五月望日竊念嘯竹從吾 先大人  
遊最後距郡城最遠於水旱頻仍艱難困苦之時  
而能倡此義舉又得布帆華白芸人爲同心共襄  
其事遂 履 十餘年未了之願 履 之感泐當何如也  
嘉慶十三年閏五月十六日男慎履謹識

二亭詩鈔目錄

卷之一

四言古詩二十一首

五言古詩一百七十二首

卷之二

七言古詩五十五首

卷之三

五言律詩一百六十八首

卷之四

七言律詩九十六首

二亭詩鈔

目錄

卷之五

五言絕句三十一首

卷之六

七言絕句四十六首

李文瑛

葉舟

門人袁承福校梓

薛本

男 慎履

江 鵬 翁 采 二 高 先 生 水 象

二亭詩鈔

卷之首 像

會 有 菜 飯  
著 可 補 衣  
無 譎 戾 行  
堪 句 讀 師

二亭老人自題



李育羣

行狀

先生姓朱氏諱箕字市人一字二亭其先世唐時有官茶院者居休寧明永樂間遷直隸大興崇正末曾祖肇基爲江西某府同知被張獻忠執不屈死祖元善隨乳母逃匿始遷江都父燦敦善不怠年五十外生先生生而沉靜寡言笑五歲入塾卽喜讀書八歲能作詩十一歲習制藝十三歲遭父喪盡哀盡禮事母徐太夫人孝時家道中落食搯繁多太夫人命棄舉子業學賈先生雖身居闕閭手不釋卷出家藏書更購古善本盈榻充棟每夜

二亭詩鈔

卷之首

行狀

一

篝燈誦習勤苦過於儒生凡於經史道德之源諸子百家之說靡不研究淹貫故其學宏博淵深莫可涯涘初肄力古文辭繼則專志工詩年二十有詩名家益貧閉戶耽吟不謀生計而四方名公巨卿如邵北厓程午橋杭堇圃鄭板橋厲太鴻諸前輩無不引爲忘年交桂林陳相國宏謨總裁史館時見先生所著郝忠節紀畧經濟纂要諸篇擊節歎曰才識具備吾安得其人助吾修史耶乃作書令門生姜大令忠基招之且謂事竣首列議敘可得官先生堅以母老辭閱數年太夫人下世先生

哀毀骨立嘔血幾不能起先生尚氣節厚交誼友人某夫婦病歿貧不能殯先生傾囊營葬恤其幼女擇配嫁之疏戚程某窮無所歸先生供其缺乏十餘年其死也託二子於先生先生教育成立而後已金徵君壽門老病羈旅邸先生延之於家藥餌親調典衣供食杭堇圃太史語同人釀金資助而昇先生先生悉舉以昇壽門之子太史笑曰天下那得有如此阿猷其敦任卹類如此當其時江鎮觀察圖公斯德聞先生名厚禮致聘先生與吳朗陵孝廉爲西湖之遊不就初先生族叔思堂都

二亭詩鈔

卷之首

行狀

二

轉爲孝廉時客揚州與先生交最篤竹林聲譽並重淮南思堂先生通籍後先生每有停雲之感壬辰歲思堂先生守泰安遣使邀先生先生喜曰登泰山之願遂矣適兩江高制軍晉札致金棕亭郡博云揚州朱君昂性端方學問淵博爲大江南北人才之冠今

聖

天子搜求秘書延訪畸士吾將首薦之札到卽爲

勸其來并聞家多藏書可檢呈爲

當宁獻使者某偕郡博至先生家備述制軍傾慕意先生曰吾深山麋鹿也請爲敬謝制軍不肖已

神往河聲岱色間矣遂於是夜登舟赴泰安越歲  
思堂先生都轉兩淮先生從遊幕中日與姚姬傳  
王夢樓任子田諸先生詩酒爲歡無一語及公事  
時竹屏吳公之黼觀察湖北屢以書招先生蓋竹

屏知先生貧欲其作漢上遊實爲之辦買山資也

或以告先生先生曰遊而爲金計使我胸中多一

傀儡矣遂不果往朱竹君先生筠督學福建過揚

州邀先生覽七閩之勝先生意未決思堂以竹君

故再四強之行途次金山下風濤大作先生曰吾

不能以朽骨涉洪波也卽返棹時先生年六十亦

二亭詩鈔

卷之首

行狀

三

倦於遊矣厥後家居十餘載授詩門下者益衆先  
生逍遙杖履每於春秋佳日偕門弟子尋湖山勝  
處載酒覓句蒼顏鶴髮望之如神仙中人嘉慶元  
年冬十二月僕人不戒於火燬前楹先生因恐致  
疾二年正月七日從容盥沐蕭衣冠而逝年七十  
有七以布衣終前三日召門人羣集曰吾將與爾  
輩別無他屬讀書以立品爲第一義無愧此心足  
矣故先生晚年又自號了心道人是夜命子慎履  
曰我家三世無片紙入公門以及利己損人事子  
孫當有成立者爾須教以讀書厲行毋墮家聲身

後事宜簡勿乞貸貽辱至吾詩文稿乃身外浮名  
有力則粹無力則已戒之慎之先生娶陳氏子一  
名慎履字敬堂恩貢生孫三長壽祺次壽康三壽  
富卒之日門生故舊凡知先生名者無不哀悼所  
著有越遊草岱遊草二亭集共十餘卷敬堂屬福  
及同門葉舟薛本李文瑛較定以付剞劂因述先  
生生平行能可見者具列如右倘荷立言君子采  
而傳之庶先生不朽矣

嘉慶丁卯五月東淘門人袁承福拜狀

二亭詩鈔

卷之首

行狀

四

姚姬傳給諫云七言推朱子穎五言推朱二亭家  
穀人祭酒深服其言此指通集而言二亭五言直  
造漢魏至登岱諸作氣魄雄渾聲律老蒼深得唐  
人三昧雖明七子亦當避席生平稽古力學之處  
一發于天門日觀之間所謂得山川之助者又豈  
他人所能逮哉予特表而出之

莫橋吳魯僭跋

二亭詩鈔

卷之首

一

想入洞蒲... 一發于天門日觀... 人三昧雖明... 穀人祭酒... 姚姬傳給諫云七言推朱子穎五言推朱二亭家



朱處士墓表

處士名篔字二亭江都人幼遭父喪哭泣盡禮雖不杖之年而能病也事母以孝聞於鄉人無間言處士生而穎悟十三歲卽能爲五七言詩因家貧棄舉子業服賈以養母自號市人處士少習拳勇市中人有犯之者不與校雖與屠沽雜處然手一編弗徹夜則閉戶讀至雞鳴猶朗朗誦不已人恒笑之中年博通史籍肆力爲詩古文桂林陳文公見先生所作前明郝公景春紀畧經濟纂要諸篇稱爲奇才謂門生姜忠基曰子爲我招之來

二亭詩鈔

墓表

一

京師忠基至江都致文恭公命處士以母老不敢遠離辭

四宗純

皇帝開四庫館思得如揚雄劉向之徒者校讐古籍兩江總督高文端公耳處士名札致金教授兆燕將薦之於朝處士曰吾深山之麋鹿也豈可褻以章服哉力辭不就時其族叔隸旗籍名孝純者官泰安知府折柬招處士爲泰山之遊乃探仙闕神府之幽蹟訪五祠三廟之遺蹤得詩數十首而返後孝純遷兩淮鹽運使司處士絕不與聞公事唯與孝純飲酒賦詩而已處士家無餘財好周

人之急友人金某夫婦病卒爲之殯殮養其子十有餘年疎戚程某貧無所歸寄食處士家死後教養程某二子皆得成立金徵君農客江都旣老且病處士延之於家其歿也杭太史董圃鳩金治喪事以餘金畀處士蓋欲償處士供膳之資也處士盡與徵君之嗣子又有比鄰杜母其子不肖所蓄金珠藏於匣中恐爲其子竊取寄處士家他人不知也杜母死處士置之柩前封識宛然其子感泣遂改行爲善士鄉人稱爲獨行君子非虛語也及其爲詩文根柢經史如有原之水挹而不窮韓子

## 二亭詩鈔

墓表

二

曰人皆劫劫我獨有餘於處士見之矣嘉慶二年正月初三日召弟子張居壽葉舟薛本李文瑛四人謂之曰吾於初七日與諸君別矣讀書惟正心誠意爲第一義富貴如浮雲耳復命其子曰傳云喪具稱家之有無不可乞貸於親友吾平生無絲粟累人勿使吾身後蒙不潔名也至初七日端坐而逝卒年七十七以嘉慶四年十月二十四日葬於北鄉杭家莊子一慎履恩貢生乾隆四十三年處士見藩歌詩屬張居壽爲介紹引爲忘年之交處士之韜耀絕機含和隱璞藩知之最深乃作石

表之文以著清風於來葉焉

嘉慶戊辰三月既望甘泉江藩撰

二亭詩鈔

墓表

三



六之文以著清風於來葉焉

二亭詩鈔

江都 朱貧

自勵三章

無田匪農無藝匪工少壯失學老大顛蒙幸守一

經冀免三窮見方正學先生文集親恩罔極中心是洞日

之方升霞舒雲卷月之方生氣晶露泣往古來今

有恒不變去滓水清遠習性善聖言是師先民是

踐顛髮種種目光瞋聰明莫再歲月靡停慙

斯愧斯木瘿草螢古人不泯赫赫令名

斷鉞吟

二亭詩鈔

卷之一 四言

一

母營兒食母縫兒衣斷鉞滿篋兒心傷悲兒成

功名母歸泉下目覩斷鉞兒淚盈把

自勗

幽居靡悶貧賤易安劉彥和語非分苟得我身悴艱具

知廉恥恤恤饑寒天不我嗇白水青山息影就

陰修身彌謗敬畏斯存心怡神曠盜睨高門災生

治服繁聾聵耳采色盲目

寄吳朗陵時下第南歸

經躍清池鳳巢阿閣美女無夫碌碌媒妁行不

如居言不如嘿梟鳴鴟張亂我心曲襄桐斷琴



金玉其音聽者何人彈者苦心  
無餌求魚跳足  
逐鬼功效算成勞悴中路

偶作

於水伊求惟魴及鯉于山伊求惟蘭及芷  
美人愛鏡壯士寶刀寓情于物以解鬱陶  
百年幾何荏苒將半沾酒囊空談虎色變  
蔗甘梅酸裘溫葛涼豈無遐思中夜傍徨  
勉我恤我至情不倦  
夢寐我我是禱是念

王家婢

粵東王氏之婢名秋香者有姿容素端

二亭詩鈔

卷之一

四言

二

肅偶出外戶惡少衛亞發調之不從即  
於是夜服毒自盡主人鳴之官置衛於

法入

奏後特蒙

俞旨旌表

芝草無根苦竹有節不辭糞壤不避霜雪  
碌碌

女婢熒熒弱質毒藥是甘狂且是叱  
金玉其身

日星其光聿彼鷓鴣化為鳳凰  
粵水湜湜粵山

峩峩墓前之石千載不磨  
惟剛近仁惟勇知恥

載讀聖言媿斯女子

大塊鼓噫氣羣遊天地間驚風一振威孰能尋其  
端至人在返視止水無波瀾隨順世網中何煩生  
永歎

朝入起高樓夕出營墓道富貴亦以足華年何不  
保豈乏大藥資幾人遊蓬島達者析虛明自覺顏  
色好

巧矣烏鰂魚吐墨衛其身豈料取之者于此無遁  
鱗機械固以密災禍反相因遐哉抱甕人重垂葆  
天真

二亭詩鈔

卷之一

五古

三

吹萬雖不同寸心共苦樂繁絃逐客悲虛彈驚禽  
落草茂金谷園花殘結綺閣懷愁如抱冰永言訴  
宋寔

雜詩

窈窕西家女織素非不勤寒窻昧昏旦庭樹空秋  
春素成不着體終年徒苦辛東隣工嘔笑綺羅日  
夕新勞悴安足辭心迹誰與申

貧賤亦有樂斯語古人詐既無辟穀方飢寒何所  
藉涼月生松梢行歌風露下緬懷三代民有田可

昔逢燕趙客贈我鹿盧劍淬厲非一朝精金成百  
煉袖之生冷風拭之驚飛電攜之刷黃精飽食罕  
所願

客唱君子行我歌貧女吟歌聲自娘嬾酸楚誰聆  
音華嶽未必高江漢未必深渺渺千載上管鮑稱  
同心

急水魚自勞空倉雀多飢纍纍庾中粟清清山下  
池豈不思遷徙異類難同棲飲啄各有定物理焉  
可齊

涼颼夜械械庭樹氣蒼蒼羣動易感人遠夢終傍

二亭詩鈔

卷之一

五古

四

徨清露下廣除濕我羅衣裳掩閨攬明鏡此意徒  
自傷

山泉不眩清山木不炫色學人戒夸毗言行務崇  
實勿樹道旁李可玩不可食葉龍與宋楮百年心  
惻惻

楚客抱奇璞一言足遭別賈生陳治安湘水望漢  
闕丈夫貴淵默緇伸非所恤喟彼山中人夜夜弄  
明月

五十之年忽焉已至撫今追昔賦詩四章

朝雨濕庭除夏涼若秋暮零烟護層苔流雲息深

樹愛茲書景清頗惜少年誤把書倚茅簷目短光  
如霧  
拙性畏煩擾卜築思幽偏林表浮積翠耳際聆飛  
泉買山鮮厚賞謀食乏良田無網而羨魚耿懷安  
得捐一誦幽風詩低徊居市廛

我年方舞勺嚴父苦見背弱息累孀慈鞠育忘勞  
粹失恃恍一朝忽忽五十歲前夕抱微疴我親入  
夢寐瘦骨數拊循憂心形訓誨飄風吹南山白雲  
渺天外晨興祀杯水浪浪衣上淚

枕簟來微颺籬落下暝日茶熟瓦釜鳴魚戲溪水

二亭詩鈔

卷之一

五古

五

潑長林抱秋心浮雲淨天末多情來故人酌我意  
諄切不愁佳釀傾白月照髣髴

偶成

悠悠出岫雲歷歷隔江山青山不我改白雲何時  
還良友幾泉下啼鶯空竹間匿影謝年少珍重留  
朱顏

花枝裊春風晴宇喜開敞臨風臭馨香芳景恣遐  
賞撫取焦尾桐溪流和幽響

獨行登高原柳花已飛雪遠道翳烟草夕陽急趨  
鳩想像闔苑春中腸恒鬱結

讀書誤鹵莽涉世慙多尤既乏志士功難免恒人  
羞醉詡筋力壯老深離別愁遙遙日暮程景行踪  
前修

秋懷

夜起濕深衣秋聲起林木何當筋力衰饑年憂餽  
粥上天肆旱虐炊烟斷茅屋引領望所思綿綿送  
遠日

秋星射檐端娟娟梧竹影漏促砌蛩宋露濃效鶴  
警回念少年場負此清涼境久坐不忍眠塵心應  
有省

二亭詩鈔

卷之一

五古

六

貧居寡懽笑出門罕所之眷彼同心友流水日東  
馳曲說易諧俗直道難逢時重以嵇生懶寧免陶  
公饑

遣興

秋月多靜光秋林無緩風物態尙姣好造化鮮完  
工媵修白返觀消息豈終窮浩歌金石聲負出蓬  
門中

碧岫暖春烟白雲淡湖水深谷幽蘭花清香妙無  
滓誰何移當門剪伐等荆杞懷芳信自娛景彼靈  
均子

野草繫春暉江柳凝波綠微物各有託使我亂心  
曲駑馬逢孫楊終難騰逸足人才須自量守拙企  
刻鵠齊魯景大莫負雨露滋今人自只愛古人  
秋毫等泰山所貴在知己皎皎烈士心片言判生  
死荆軻入強秦豫讓刺襄子悲歌燕趙間霜風寒  
易水易水

娟娟翠竹竿兀兀蒼松枝所性超物外肯作媚世  
姿先生富經濟百殖祇一施薄宦旣云拙廉吏未  
可爲歸歟墾石田庶免寒與饑我自砥硃質里閭

## 二亭詩鈔

### 卷之一

五古

七

罕交知愚蒙不我鄙貧賤不我遺秋月竟午夜春  
花趁朝曦偶爾攜一尊談笑過茅茨真意同臭味  
相賞忘差池白首互勉慰青燈互箴規小恙方旬  
日豈期長別離蕙蘭萎一旦涕泪霑兩頤令名垂  
來者私心深含悲川流何渺茫已矣枯桐絲

### 酬吳舊浦廣文

濁酒乏寒夜素月臨清池天風過鴻雁把讀貽我  
詩勉我惜景光莫負雨露滋今人自足愛古人不  
我欺歌苦識曲賞聲希下里唯載誦金玉音賤子

中心悲

再夢朗陵

我友安宜宰待我如弟昆未踐耦耕約遽招蒿里  
魂中夜三四起寒鷄號隣村夢裏覲顏色屋梁落  
月昏始信終復疑欲哭聲還吞從此錢江水何異  
西州門傷哉古遣愛私情非所論

送何春渚

白日照素襟孤響發霜禽惜別一尊酒送君千里  
心

中年畏離別而况逢遲暮車馬塞大道君今去何  
處

二亭詩鈔

卷之一

五古

八

處貧拙言辭趨時變容姿容姿徒自賞誰者分妍  
媸

依依睠故鄉行行望前路飄飄擇木鳥秋林少佳  
樹

遣興

諺云行百里九十乃得半誠以末路難清氣在平  
旦惕勵勗餘年賤貧非所惋往矣衛武公仰止若  
雲漢

老畏秋夜長讀書頗不倦頻挑短檠燈目昏光一  
綫少壯悔鹵莽欲速失貫串未窺古人心徒覲古

人面

故人憐我老饋我菊花酒酒既能驅寒菊故能延  
壽香清味愈醇啜之不去口照鏡廻朱顏故人意  
良厚

雖無高曠懷具抱烟霞癖宇內各山川得一而遣  
百家貧更寡交裹糧艱足力去去作臥遊圖之張  
四壁

無人明吾意緘默忘言詮老眼淨涼宇枯腸果薄  
饑栖遲於一邨縮懷泌水篇悠哉班氏子自亮何  
不然栖遲班嗣  
報桓譚書

二亭詩鈔

卷之一

五古

九

鹽船女

鹽船女夫將賣其身及其子女遂縊其  
子而自縊焉婦而女之夫不綱也

淮水滔滔來水聲咽鳴櫓中有屯鹽船富甲他船  
戶東船兒十八西船女十五兩船結婚姻水面喧  
簫鼓宰豕復封羊置酒招儔侶髻上鳳凰飛裙間  
蛺蝶舞耳垂並蒂璫臂繫同心縷皎如鴛與鴛浮  
波煥毛羽上堂拜阿翁歸房事機杼朝績半筐麻  
夜成一匹紵爭言新婦勤諒不憂貧窶天意倏然  
改兩家失父母阿夫有阿兄來共作家主不聚米

與薪惟事博與賂貲財蕩無存一船歸隣姥阿夫  
傭他船新婦僦陸處陸處茫無親蓬蒿翳環堵霜  
宵無絮衣日中無粟煮阿兄語阿夫河頭有富賈  
懷金覓後房媒姬我所與新婦顏如花百金已見  
許隻身易爲營舊業應復舉阿夫欣然歸大聲喚  
新婦阿夫昨日歸河頭見富賈箱中足羅綺屋內  
廣倉庾聞汝顏如花百金已見許阿夫有百金舊  
業可復舉阿夫復舊業百金卽贖汝汝素稱柔嘉  
諒不我齟齬新婦驚聞言泣涕落如注牽衣喚阿  
夫作事何莽鹵憶昔饒貲財新婦慚無補阿夫雖

二亭詩鈔

卷之一

五古

十

中落相共幾寒暑况生懷中兒胡然變肺腑阿夫  
赫然怒我意汝敢阻阿夫登舟去空庭夜正午宿  
鳥靜疎林昏月漾荒渚歸房視嬌兒啞啞猶呼母  
我身不可失我死兒誰撫著我嬌兒裳食我嬌兒  
乳阿兄眞鬼伯相促入黃土垂垂七尺緜攜兒歸  
冥府魂入阿夫夢慙勤前致語新婦實不才焉敢  
怨勞苦阿夫愼努力勿與阿兄伍阿夫魂夢醒紅  
日東山吐啟扉寂無人子母懸當戶顏色餘輝光  
天桃落暴雨梁燕罷呢喃行人動酸楚嗚咽淮河

流烈哉鹽船女

哭妻父陳丹書先生

我少性疎慵家貧罕所事見人苦踟躕入門益憔悴翁獨以愛女繼我主中饋世俗羞貧賤翁何不我棄今翁作古人我悲鬱無旣非惟骨肉情不禁知已淚仰視浮雲行迷離滿空際

我翁多隱德鄉里稱仁人仁人必有後歿豈同飄塵常擬奉卮酒烹葵代雞豚與翁樂朝夕卜居山水隣一旦成永別此志竟未伸寂寞南湖月慘淡西州春何時畢我志剪紙招翁魂

秋雨歎

癸酉

二亭詩鈔

卷之一

五古

十一

頻年苦旱魃今歲欣有秋禾黍長離離黃雲覆田疇行將刈穫畢飽食罕所求雨師歛肆虐一雨旬不休千山捲紫電萬壑奔洪流復聞河隄決泛濫將數州炊薪賴蘆荻盡爲築隄收築隄自要務熟食當緩謀時見一束薪百錢人競求雨濕不堪藝對之徒啾啾茅屋絕烟火富室羅珍羞可知藜藿歎不關肉食憂好生天地心何與貧者讐

有鳥贈張山人

有鳥巢空林日夕蒙霜霧羽毛煥文章聲音發韶護野田多稻梁南山足高樹栖息庶得所奈爲衆

鳥踞一朝翩然來衆鳥驚且顧咸畏非其類積畏  
更成如衆鳥何其愚飲啄各有處

有所思四章

弱質抱沉憂中心怒如擣嗟哉涼薄躬雙親棄我  
早反哺羨乳烏春暉憐寸草眷焉北山南松楸色  
逾老何以慰憂衰白雲空外渺

巨壑喬木茂深谷秋蘭芳旣無斧斤虞豈憂風雨  
傷當門必見鋤出山必見戕草木慎擇地達人貴  
葆光嗟予居市廛日夕鳴饑腸鷓鴣虫雖小枳棘  
安可藏

二亭詩鈔

卷之一

五古

七

四運轉若圓二曜疾於電感茲遷逝理畏我精神  
倦回憶十年時螢雪照書卷疑義析未詳篇章浩  
難遍瞬息日幾何盛年不復見臨淵羨游魚此情  
徒縈縈

片石不生雲尺水不興波所以薦蘿枝託身蒼松  
柯松柯幸不棄干霄豈蹉跎感知在一言千載良  
不謀

酬趙牧牛

松柏有貞心鴻鵠具遠志桃李逞穠華鷺鳩營水  
食矯矯天際雲煌煌廟中器營營金玉貴密密網

羅累達人自括囊令名著清議

小人幼有母十年供藜藿傷貧乏生計服賈居城  
郭胸無寸晷舒氣爲斗粟索幽恨抱終天十謀九  
皆錯梅子入夏酸葛衣凌秋薄俛首塵壚中奇翼  
羨雲鶴

璧月懸秋空寒光濕庭露隣砧急宵聲淡螢輝洞  
戶感彼蕭瑟情撫此孤桐樹佳期渺無垠美人歎  
遲暮

題吳朗陵陟岵圖卽送歸西陵

負米感仲由捧檄慕毛生榮祿曷足重慰此將母

二亭詩鈔

卷之一

五古

三

情我友吳季子落筆風雨驚高堂缺甘旨游學事  
經營鄉關一回首暮雲千里平寫此陟岵圖謂我  
返西陵索我贈行詩感子孺慕誠以子磊落才鵬  
鷲圖秋旻鼎食娛朝夕竹帛垂勳名哀哉我母氏  
墓草幾青青風木思罔極夕陽下柴荆卷圖還送  
君使我泪縱橫

擬古

好色棄鄭旦殖貨卑陶朱隱疾惡服藥諱愚慙讀  
書所求味所操陸舟而水車

涇渭自清濁是非一彼此樵薪刈甘橘藝梁樹苦

李苦李不可食甘橘已先萎作動苟不誠悔尤從  
茲始

鳥啄牛戴角與翼去其齒缺陷本於天生人貴知  
止小姑佐家政兄嫂爲之起受命君子憂席勢織  
兒喜

送人之海州

相見方三日相別已四月駕言去海州孤雲渺天  
末

離離秋樹實灼灼春花枝盛年不可再空抱後時  
悲

二亭詩鈔

卷之一

五古

古

出苦舟車煩居守貧賤老形神暗凋傷賦命何草  
草

酌我酒盈竿送君泪沾裾離愁泥別酒酒醒愁何  
如

淶水曲

淶水金塘滿暖風杜若發弄影愛輕鮮生波濕羅  
襪郎心如水流妾心如水潔不憂沅湘遙祇愁春  
芳歇

斷鍼吟爲李進士晴山作

戰戰慈母鍼刺繡線五色粒粒孤兒餐耆糜日再

食

紅染慈母淚白變慈母髮兒食一日飽母鍼凡幾

折

鍼孔穿母心鍼鋒繭母指兒大攻文章慈母顏色

喜

母望孤兒成兒傷慈母近可憐孤兒心痛如斷鍼

刺

千斷萬斷鍼千結萬結綫鍼斷綫纏綿慈母不可

見

母歿兒何依鍼斷綫何繫斷鍼磨難尖孤兒終天

二亭詩鈔

卷之一

五古

五

淚

田家四章

犁星方天中夜起草露濕空腹勤耕犁日高始得  
食最憐插秧時田土如火炙倏爾暴雨來高留水  
盈尺毒虫噬我足痛痒搔不得償勞望豐年豐年  
豈常值

小兒歲未週斷乳食焦米母曉刈禾去置兒草籃  
裡母去兒呱呱掉頭如不理灰沙沾涕淚枕藉傍  
犬豕豈無母子情衣食曷云已

我來收佃租佃戶供盤餐畦邊韭葉老屋後豆角

乾以之佐脫粟頗覺齒牙艱聆彼歉歲言惻然心  
悲酸

四年田無禾今秋稻有穗我饑既可充我寒慮思  
蔽量粟易布絮粟賤布絮貴夫計裁短褐婦謀作  
大被有被床不寒兒女同安睡日短冬夜長婦言  
良可咏

示兒詩

履兒就塾後頗知誦讀唐宋諸賢小詩  
寒夜擁火偶成十章句拙意卑固不足  
以詩論也聊以示戒亦用自做

二亭詩鈔

卷之一

五古

六

太極賦我身萬物皆有仰窺天地心何事堪不  
朽首陽兩餓夫名與日月久試誦滄浪歌清濁皆  
自取

孟子云三樂兄弟欣無故我身憐子然行行一回  
顧何事同堂親反致成道路黎棗雖微物推讓亦  
可慕

交道豈易能一語定生死交廣道難周恩怨從此  
起小人甘如飴君子淡如水古人重結交結交貴  
慎始

結實非穠花禦寒非羅綺務名崇虛浮讀書昧義

理日暮而途窮無聞亦足恥陶公惜分陰斯言良  
可紀尚難濯雲裝又難辭遊巖士穴重當穴  
有言不如嘿斯語老子聞君子慎言語見諸頤卦  
文子語苟不謹不止辱其身時言而後言永當書  
諸紳黃收得合奇論風之戲出  
滄海靡不容秋陽靡不曝豺狼與蛇虺天處以林  
谷水清無大魚山淺少良木已過多闇昧察察及  
童僕

饑年穀湧貴乞兒遍閭里草根與樹皮味同海錯  
美載路風雪寒大半溝壑死有食尚索羹應爲鬼

二亭詩鈔

卷之一

五古

七

神鄙

布衣可被身何須羨華盛一匹綺與羅數萬春蚕  
命金玉裏敗絮中外不相稱捉襟而見肘古人非  
所愠無大魚山淺少良木已過多闇昧察察及  
處危冀求安居安當思危優遊矜天物敬慎毋自  
欺富貴如傳舍有德恒居之造化無所私此言應  
三思

積雪尚載路雪勢又縱橫道邊有土穴雪滿穴欲

崩雪穴餓人臥風林饑鳥鳴形容如鳩鵲鬚髮紛

鬢鬢自云逃水患遷轉隨流萍及歸領賑濟册成  
不添名舉室計六口就食揚州城粥廠更擁擠力  
怯難前行所餘十歲兒踏死無完形徒手縱云返  
萬分無一生甘作異鄉鬼一死所不憎仰望飛雪  
霽暫觀天日晴所言未卽竟掩耳難爲聽雪大語  
漸細北風吹悲聲

別書難古意

妾行如皎月君行如孤雲照水祇自賞出岫誰與  
羣客子衣裳單深闢遠夢寒皎月不厭潔孤雲何  
時還

二亭詩鈔

卷之一

五古

六

春園天桃花朝開灼人目入夕東風狂花片飛簌  
簌吾人生憂患焉敢怨局促霜雪礪所操南山有  
喬木

讀書懷先民希聲求素琴東風吹萬物生生天地  
心先民不可見素琴罕賞音愷悌有君子遙遙蒼  
山岑

冷烟濕蘿月古澗吹風箏清霜改野色秋陽生柴  
荆樹下選石坐靜聆鳥雀聲故人不我顧淒淒離  
別情

五十恥無聞今年復過四豈惜時俗噏悵爲賢者

棄不學敢諱愚無田安辭饑日月不我與白首空  
吁噉

題海豐謳思集

張簡堂先生諱文  
乾隆乙丑進士

貪吏不可爲而人競爲之廉吏不可爲而君竟爲  
之高車與怒馬鮮食與華衣昏夜事請謁白日慎  
威儀浚人以生我寧論人我嗤拙哉海豐宰服官  
如下帷寂寂荒厨烟亭午方晨炊飲彼一勺水吟  
我一帙詩淡月照虛牖棲鳥鳴庭枝猛虎朝渡河  
而君夕放歸三復循吏傳載誦邦人詞遙遙海豐  
民歷歷去後思

二亭詩鈔

卷之一

五古

五

九日吳子河招飲金丈冬心寓齋

佳節愛重九濕雲吹雨聲紆迴南村路阻我登高  
情故人吳隱之宴我揚子亭樹閒無驚柯菊淡懷  
餘清想見東籬下願留飲者名

夏日作

曉起矚天宇疎雨生朝曛汲泉共盥嗽糴米炊饗  
殮竹樹旣不繁烏雀亦不喧優游何所思所思難  
爲言

晝長倦午睡起檢故人詩歲月去幾時詩在人何  
之旣以窮困身復多酸苦辭始知生前名不如酒

一卮

讀史偶成

食荼不言苦食梅不言酸君子辨義利苦酸非所  
歎我讀黨錮傳凜凜霜雪寒

醉尉侮李廣督郵卑陶潛小人偶有恃喜色何沾  
沾不識干將利自信鉛刀銛

率成

清露零單衣白月入破屋愀然中心悲嘯歌媚幽  
獨睠彼榆柳枝官道春濃綠茂葉歸衆鳥層陰散  
繁縟秋風一旦來榮悴何太速我友憐我貧分我

二亭詩鈔

卷之一

五古

二十

迎霜粟感此仁者遺受之無局促嬌兒不啼饑侵  
晨展書讀冥飛羨塞鴻傲立慙籬菊勉旃保歲寒  
青松老空谷

黃雀辭

勸君飼黃雀黃雀解報恩朝啣玉環來暮可大君  
門知人固不易去枝當崇根良藥少甘味直友多  
苦言績葛夏以涼紉裘冬以溫植棘求美蔭此語  
非所論

詠物二章

翩翩秋社燕欲別難遽逝春風依舊來呢喃慰慙

悴時序有炎涼舊遊無忍置茅屋如雕梁伴我不  
遐棄

種藕半畝池葉綠花房紅龜巢綠葉上魚戲綠葉  
中清波洗汚泥清香來薰風花房結蓮實苦心誰  
與同

午睡

薰風來北窓高天碧於水仰觀化育中日月不停  
軌身閒心太平一枕午睡美混沌未鑿竅無終焉  
求始何須傾濁醪黑甜有妙理

謝貞女詩

二亭詩鈔

卷之一

五古

三

身爲親所生字乃親所命睢鳩未成匹哀哉中道  
殞

女心皎如日女心堅如石何以見女心秋水一泫  
碧風來其恣高天碧然水泫

有感

貧居難成醉短日易斜曛老眼睨動機倚杖看行  
雲行雲不我顧冉冉歸山根吁嗟宇宙內何物能  
常存寄聲金石友古處相與敦

不雨

刈麥雨不止插秧暴赤曦三時至末伏四野竭陂

池厚土生裂紋縱橫如灼龜我官清且廉我民拙  
且愚彼蒼今降罰此咎誰任之母乃雨工惰曠守  
廢厥司抑爲魃鬼狂肆虐殃窮黎念此田中禾纍  
纍生命資甘雨得少沛冀或免餒饑

浮生七十涖然有作

先子生不肖春秋已五十顧復十三齡未能見成  
立先子病膏肓撫摩兩涕泣母也劇苦辛織作買  
米粒鞭朴不肯施怠惰入慣習悠悠罔極恩欲報  
嗟何及

匠石棄散木奄忽臻七旬旣無會參養自樂原憲

二亭詩鈔

卷之一

五古

三

貧仰愧而俯忤罪戾萃一身暮景亦憔悴夢寐泉  
下親林間啼慈烏衷腸如車輪顯揚在書史緬矣  
懷古人

磨麥食冷淘憶我糟糠婦去年當此夕拔簪爲質  
酒竹風扇生衣松月窺戶牖啣杯話疇昔所欣同  
白首豈期賓鴻來晨興卽撒手石火與電光幻身  
復何有

暑風放池蓮池水歛明鏡亭亭生妙香天水交相  
映淤泥幸不染根塵似可淨花鬢坐佛身衣珠現  
自性載誦蓮花經究竟普賢行繩床午夢醒空山

一聲磬

游上方寺步東坡韻

落木下古寺林風咽寒蟬層岡一登眺平野含蒼  
烟歷歷遠村樹春聲出其顛仰睇天宇淨皎皎鼎  
光懸山川如昔日遐想東坡仙吟懷騁清賞千載  
懷其賢倚策讀斷碣披榛汲新泉更此傲霜花籬  
落風露娟醉歌乘虛游翮短慙躑躅迴視塵中人  
秋心何渺然

曉登焦山絕頂同竹君學使作

塵世雞方鳴紫烟生溟渤殘月窺烏巢清鐘吼蛟

二亭詩鈔

卷之一

五古

三

窟天水同混茫茫宇宙妙閭闔瀉杯海飛濤跳丸蚌  
吐日吟懷渺穹窿下界松風發

題焦公洞

樹色壓寒潮雲山埋古洞三詔臥蝸廬一名笑醢  
甕秋高霜荻疎夜深江月動可憐五陵花猶作炎  
劉夢

霽後登彈指閣

濃陰積餘雨菴樹昧昏曉孤芳媚屋角堊磬出林  
表雲淨天宇遐人遠春思渺徙倚澹歸情庭風動

樓鳥

送韓瑾舒歸里 墨莊夫子家嗣

人生如浮雲會合無常期青年不得志白首何所  
爲喜君涉江來見君如見師深谷秋蘭花馥馥誰  
見知長江衣帶水迢遞增相思

徐孝子詩 揚州興化人

浩氣塞兩間一誠充六合至哉純孝心天人相響  
答

側聞操舟兒有母病沉沉無錢得醫藥禱神須兒  
心

剗心作羹湯奉母母色喜兒心不覺痛母病霍然

二亭詩鈔

卷之一 五古

五

起

兒心雖已剗兒身幸不死養母終天年州里稱孝

子

高高北極臺清清滄浪水孝子名萬侯興化徐氏

子

和汪一艇

東倉腐紅粟西園炳華燭嗟哉隣家翁朝夕憂不  
足中有賤貧者破書坐臥讀時聞金石聲琅琅出  
茅屋天寒賦無衣日午歎枵腹出門臨岐路一直  
復一曲直路多迢遙曲路多反覆請看園中花傲

霜乃黃菊

幼小學織機長大無完衣樹桑少沃土飼蠶恒憂  
饑經時成匹絹花樣不合時急售減半值歸來兒  
夫強辛苦不足惜憔悴何敢辭焉知羅綺人解唱  
箏琶詞

安陸陳太史

中龍

於羅南野齋中見予五

十自述詩卽次韻寄贈辭多溢美賦謝

酒醒百慮興憂來寸心擣問世愧茫茫立身畏草  
草廢書玩景光閉戶守枯槁學稼無良田求仙有  
蓬島暮雲江樹思歌聲落幽渺

二亭詩鈔

卷之一

五古

五

五旬日下春鳥飛疾於箭不信心饑寒誰復惜狂  
猶何期白雪詞下及草茅賤藏之懷袖間灼灼珠  
光見秋江二千里引領常不倦

雜詩

明月出東山衆星黯無光天宇浮雲淨廣庭夜氣  
涼撫我青桐琴聲希韻悠揚曲終羣動息掩仰餘  
音長喬柯驚睡鶴衰草啼寒螿知音在遠道此情  
誰寄將悵望心鬱結寂寞歸洞房

中郎曠代才枕中秘論衡信陵貴公子下車過侯  
嬴唱哉布衣客何以動公卿三誦采詩韻獨吟多

悲聲

賦性拙且直時俗少見容結交三十載循一忌始  
終我心如止水君誼如高松相勉保歲寒莫羨春  
花紅

卜節母詩 卜維州之弟婦無子  
家中落未得請旌

湘江一枝竹淚痕干點綠不識花柳春秋月滿華  
屋世無劉更生列女復誰錄

仙人篇

朝登嵩商山夕渡瀛海水行歌游塵蓋云是羨門  
子授我以刀圭服食可不死衰顏昨日紅對酒生

二亭詩鈔

卷之一

五古

美

歡喜

獨酌謠

虛舟任江海明鏡忘媼妍造物豈偏倚人自趨愚  
賢揖讓出學校錐刀競帚墨翟悲染絲習俗慎  
勉旃

苦竹多秋聲蕭蕭張馬宅春郊桃李花柴門斷人  
迹情遠德彌劭道夷性自直識取此中味窮居卻  
微碎 永嘉郡記築成縣民張薦又名馬  
隱居不應辟命家有苦竹數畝

秋胡行

一日作新婦頗諳瑟與琴自君遠遊學三年無還

音春雨天桃蹊薰風綠樹陰妾獨事蠶桑空閨秋  
蕭森君從異地歸囊中有黃金黃金贈他人不念  
同裯衾昨已識妾貌今當知妾心妾心不足惜君  
行非所欽奄奄去萬里寒月升松林

詠史

生子何必癡直道焉致禍懿哉傳長雲賢者識其

大

我愛顏光祿

含

豈不識時務一言致仕歸肯爲佞

人誤

鴻鵠暮棲林鼃鼃夕宿水樓宿我何之鹿門山翠

二亭詩鈔

卷之一

五古

三

裡

素志在家國豈暇恤饑寒平生茅季偉爲之飽一

餐

土室袁夏甫

閩

阿母時一見於茲居八年温清毋

乃欠

世多輪扁才糟粕古人書一笑伯樂兒誤馬爲蟾

蜥

饑魚油作燈光明綺羅筵自稟趨炎質不惜膏火

煎

有所思四章

昨日不復來今日不復去來去不可稽生人易新  
故紅花屋後枝綠水門前渡所思開一尊醅然醉  
鄉住

時會偶有值窮達忘欣嗟秋霜雖云嚴東籬采黃  
花雅樂賤繁聲美玉玷微瑕所思買五畝耕耜及  
桑麻

朝出郭東門暮歸城西隅得過舊游地依然故人  
居故人非不勤營營各利區所思少欲語身外罕

所需

少欲追  
樂經語

日坐溪上石觀魚戲微瀾不敢置網罟有時分盤

二亭詩鈔

卷之一

五古

三

餐物我固有別天地毋乃覓所思濠梁人至樂在  
其間

詠史小樂府

奇温挺之衣微物關大義陋哉潘氏言凍死爲細

事

綿定奇温六朝人語却  
衣云云潘陽節總論

拉苑誤國賊忠義皎宋史喪心陳宜中黨奸作犬

豕

舞陽乳臭兒豈足助大事可憐太子丹不諒國士

志

善人國之紀制作國之典

馬日  
殫語

太息客座中獄死

竟不免

舉世無知己青蠅爲弔客千載有同心尙友不可  
得昔本無樂說效種貧類時常職齊同望莫長歡  
戰國有蔡澤吾見其猶龍片言生范睢自退何從  
容外對難地言思之哉漢陽趙元叔聲名動袁羊不得位公卿一錢看  
在囊空薄請浮千谷

詠古

田荒無嘉穀俗頽少良民移俗在教化治田在耕  
耘未聞鞭與扑能使風俗淳教民當以禮治田當

二亭詩鈔

卷之一

五古

完

以勤所以上農夫嘉穀積倉困天當以勤計田當  
良材多直榦惡木多繁枝枝繁陰彌廣遠行足力  
疲我思暫息勞恐爲來者嗤益泉可解渴耶蒿可  
已饑載誦君子行踵見非所悲

白雲出松林清香溢蕙澗同心懷故歡孤往愁日  
晏依依臨歧言思之涕淚潛中情眷引領南來有

鴻雁

自來告其其辭請以言主改雖自悲

賦性本愚蒙焉敢歎貧賤物情難齊同塵夢易遷  
變郊園桃李花日買春夜宴爲歡雖及時行當念

秋扇

秋陰乍霽欣然有作

把卷倦白晝積雨暗如霧田水咽復鳴林花新變  
故夕風欣西來淡月出高樹匡牀足偃仰坦坦睡  
鄉路

灼灼芙蓉花孤生江之沚娉容拒清霜顧影照秋  
水春風豈不榮早暮難由己采采者何人天涯倦  
游子

節序過秋社梁燕歸海濱依棲閱朝夕似念主人  
貧呢喃自不休訂期會陽春微物惜別離亦覺傷  
我神

二亭詩鈔

卷之一

五古

三

感舊悲呂安傷逝念吳質知我素心人相繼化異  
物仰視霽景開羣陰散倉卒餽粥苟可飽蓬門不  
偏側

曉枕喧幽禽照陽上東牖風微庭葉凋戶掩徑蘚  
厚菜圃色欣欣餽之愛隣叟慚彼抱甕功果腹適  
饒口

杭堇浦先生以秋旅詩屬和

秋氣肅大野元蟬急夕照行役偶有思勞歌非逸  
調秉矩緬前修契理窺物妙知幾穆生醴匿景孫  
登嘯永懷富春山石瀨堪垂釣

巨魚躍深淵羨之莫能得退求得魚方肯惜結網  
力精神一以專事功皆可必如我無網人白頭空  
太息  
朔陵寓館桃李競放同賦此日不再得詩  
此日不再得兩髻秋霜斑浮雲過碧虛綠酒廻朱  
顏處衆傷寡陋迷真困囂煩少壯去不返中心徒  
悲酸不似桃李花春風年年還  
清話室小集以草木有真香爲韻

風葉淨澄秋景光愛西顯古屋苔蘚深雅集領微

二亭詩鈔

卷之一

五古

三

妙上下百千年經史測瀚浩真懷信相傾佳日不  
草草

昔羨整翮鷹今愧率鼻犢精神役窮愁有書不能  
讀金石發幽懷山川障短目物理一推尋無欲養  
散木  
飲酒賦小詩三四素心友忘形與天遊虛白生靜  
牖沉憂積賤貧清露浥蒲柳成虧付冥漠吾執吾  
所有

寡諧覺無競趨舍頗異人勉矣老氏戒嗇守精與  
神匪云求自安逸心忘勞身中庭卉木凋天地見

吾真

人生縱百年壽命亦不長百年能幾何一瞬同電  
光及茲斗酒樂肯負會晤良籬菊綻紫艷叢桂無  
餘香

送人楚遊

春草鸚鵡洲落日漢陽樹萬里岷江水滔滔向東  
去東去經故鄉濛回揚子渡應念垂綸人早晚馳  
尺素

贈詠堂和尚

北郭退院僧東林素心友過從忘暑寒十日長八

二亭詩鈔

卷之一

五古

三

九青青園中蔬至味適我口乞食彭澤令恒饑杜  
陵叟財施與法施真報無何有

皎皎秋月光肅肅秋林風塵心等狂猿嗔性類毒  
龍我時眠禪牀授我降伏功三復文殊言見佛如  
虛空

曉起過月柯齋中

窻日未舒白林禽時一鳴籬落牽牛花磊磊垂翠  
罍生衣濕清露老眼開光明念彼秋風至顏色焉  
常榮惜花固有意自多遲暮情

同白泉弟登牛首

金陵牛首山鬱鬱縈懷抱今來理遊事未敢怯衰  
老卜日愛清和南郭春風曉濕翠挹奇花温香噴  
異草冷然間流泉琴聲落林表入寺白日陰參天  
古樹矯龜潛池水寒瑤入隙影倒巍巍天闕名往  
籍兢探討危梯百八層迅捷羨飛鳥陟彼最高巔  
身外乾坤小目送雲彌間江與天爭藐像教燈自  
傳霸業迹已掃當時門豪華微塵翳清昊白猿獻  
花崖展拜心悄悄祖印訊山僧審訥語不了回首  
憫浮生佛光徧空管

五日

二亭詩鈔

卷之一

五古

三

庭榴敷朱苞節序又端午二麥喜登場新釀甘如  
乳兒曹亦解事瓦盆堆角黍老人愛景光醉飽樂  
栩栩浮雲不歸岫白日下西宇嗟哉楚大夫獨醒  
何自苦

送雷門上人

長貧易爲感久困罕所親閉戶紅日暮開鏡白髮  
新時來禪榻臥愛與靜者言偶得心曲宣往往忘  
朝昏欲識有無理未識天地根業境銅冥然微徹  
支流渾我友雷上人飛錫吳陵村夜鐙抱枯木晨  
鐘放閒雲性海無驚波淨土無狂塵何時借慈航

引我渡迷津

雜詩

顏公乞米帖陶公乞食詩二公古大賢涉境何沾  
危我才若蠛蠓愧爲童子師寒冬有裋褐豐歲無  
餒饑以之上視公泰華等豪釐大忠炳清節日月  
臨九遠至令仰止人熏盟讀公辭有德不錫福造  
物母乃虧不暇肉食飽惟求令名垂青雲不能附  
中心空含悲所以太史遷三歎傳伯夷

秋夜吟

荒雞破曉夢落月明清霜支枕不成寐起坐心傍

二亭詩鈔

卷之一

五古

三

徭役徒爲爾秋老籬花黃

冬夜待軒招集

長天無微雲光滿白玉盤澄水洗竹樹冷露侵闌  
干三兩黃髮老方庭坐團圞不覺夕漏沉頓忘敝  
褐單主人傾浮蟻亦足驅嚴寒談言展曠懷賦詩  
延古歡愛茲故園月肯惜殷勤看

小濂招集得偶字

園池疎雨餘元蟬噪深柳薰風送微涼濕雲窺虛  
牖蕉陰密如障苕葉大於手籬落淨炎敲木石具  
老醜會心泯聞見清言叶奇偶苦吟西蜀客高臥

北窓叟不羨冷秋菰滿野白雪酒毛公用世才腹  
書敵二酉江湖遠廟廊良晤不可苟海客時將赴選主人  
周南卿佳句在人口醉我頹玉山潯暑無何有

二亭詩鈔

卷之一

五古

三

二亭詩鈔卷之一終

二亭詩鈔

禽言三章

江都 朱箕 市人

布穀布穀夏日不雨秋無熟官糧今年火耗加農  
家只有賣黃犢黃犢賣去田不耕安望明年收二  
麥舉室飢寒雜悲哭勿悲勿哭天將雨粟

提葫蘆無酒沽去年年豐酒價賤三五隣舍來黃  
壚今年穀歉酒不釀村村花柳人迹無提葫蘆無  
酒沽

婆餅焦兒勿惱新婦打麥兒磨麵婆強作餅婆衰

二亭詩鈔

卷之二

七古

一

老厨上厨下兩處忙火力不均顏色槁婆餅雖焦  
腹可飽但願年年麥有秋婆身尙健餅焦亦好

後秋雨歎

夜雲鱗鱗牕外明曉來又聞吹雨聲雨中十家九  
閉戶猶見災民冒雨行雨驟風狂行更疾男嗟女  
怨相啾唧形容黧黑衣裳單道路泥濘腳不襪一  
肩擔得釜與兒欲前反却足屢蹶伶俜小女亦解  
羞尺布蒙頭髮尙櫛畏人惟恐落後行呼耶喚母  
聲嗚咽是時雨急如翻盆向我茅堂暫喘歇自言  
家住下河濱今歲忽遭河水溢田園廬舍盡漂蕩

故拋鄉里苟求活風雨如憐求活人逐我依栖已  
半月當初逃命情愴惶只攜襪被未攜糧襪被易  
糧炊已罄雨聲水勢仍茫茫昨宵投宿荒林裡荒  
林樹少風露涼蛩吟鬼嘯聲蕭瑟侵肌浹膚衣盡  
濕一夜泪枯喜日出望見城垣趨行急城中風景  
自繁華大屋高檐誰許立凄然更有乳下兒腹饑  
身冷呱呱泣幾欲腆顏倩作傭又因兒女不相容  
若棄兒女就温飽骨肉何時能再逢霖霖不止水  
日漲水涸之期安可望在家苦水出苦雨不若他  
人水中葬所言未竟雨又至喧阗更勝朝來勢前  
二亭詩鈔

卷之二

七古

二

途昏黑少人行若輩何方覓生地嗟哉天意豈虐  
民雨師雨師何不情留待禾苗赤早日可救億萬  
之蒼生

漢瓶研歌

爲周幔亭作

幔亭周君來白下示我古研青花亞製仿漢甌銘  
石鼓類月含星避三舍周君好古能文章有時筆  
底鸞鳳翔紫烟一縷池中起波濤滉漾閃電光南  
探禹穴東秦岱搜羅金石歸詩囊旅館蓬窻日晤  
對山精水魘爭潛藏質潤材良世無匹况云先代  
所傳物君家奕葉有聞人大田多稼自可必君不

見陳留范喬念祖德名成執研情愴惻又不見宋  
之胡旦述春秋誅奸賞善與研謀君守此研無悵  
悵大志雄才其可量風塵誰識蘇子容他日待君  
玉堂上

乙亥丙子冬夏之交凶荒疾疫據所見所  
聞得詩九章

米賈樂

米賈樂江北水爲災江南虫肆虐米賈糴米入米  
倉日夜待望米價昂毋迺天心順彼意一月之中  
加倍利刲羊醜酒酬神戲米賈開倉坐市厘斗米

二亭詩鈔

卷之二

七古

三

三百青銅錢

下河田

下河田疊遭水患已三年今年田肥無牛耕離離  
草長齊人肩圩埂低頽如平地有草無禾水不至  
妻兒莫怨埜草長有草償得官家糧

河中魚

河中魚何洋洋朝食人肉暮人腸跳波躍浪鱗鬣  
張先王設教立網罟養老輔病人食汝致汝橫行  
肆食人河伯無靈真莽鹵河水渺渺浮尸來安得  
仁人舉葬土

攫食民

昔年粥廠開十月今過仲冬廠未設飢民絡繹就  
食來猶自優游緩籌策一餐不食口生烟枵腹何  
堪經旬日弱者飢魂歸故鄉強者攫食市中央此  
輩轉徙飢餓死好生徒說體上蒼

合棺匠

南山之樹高叅天城中死人幕作棺何者致此合  
棺匠一人一日八百錢錢八百朝飲酒暮食肉合  
棺匠人厭所欲忍矣爲心合棺匠笑看紛紛人槨  
葬

二亭詩鈔

卷之二

七古

四

道邊兒

去年有兒猶賣錢今年有兒棄道邊懷中有字不  
可識彷彿生兒年月日朝見啼飢暮聞啼寒兒聲  
嗚咽過者悲酸嗟哉兒父何其酷棄兒安能飽汝  
腹

豆渣粥

豆汁作腐渣喂豕豕食食人無人理十錢方買十  
團渣炊渣成粥飽妻子渣粗米少炊不熟兒啼不  
食豆渣粥兒看鳩形鵠面人木皮草根似梁肉

割麥鳥

割麥鳥聲喧闐朝朝夜夜鳴樹巔三時已盡麥不  
割鳥聲只到空麥田村中老媪抱孫出見鳥哀鳴  
淚如沸健兒健婦無一存將來麥穗招饑魂

空林雀

鼠飽官倉糧雀食農場穀今秋無穀登農場雀向  
空林啄枯木綺席朝朝棄珍羞蓬門夜夜啼餽粥  
鼠飽雀飢同此腹

雪中聽一蟾陳道士彈漁歌

碎玉琤琮響疎櫺寒光如練飄虛庭羽客冲寒鼓  
素琴梅花破萼酒滿瓶乍彈已覺聲楚楚老樹吹

二亭詩鈔

卷之二

七古

五

風瘦蛟舞細如大蟹沙頭行驟如寒泉空峽吐游  
絲蛟習桃李風層冰雅啄瀟湘浦霎時人琴若兩  
忘杳杳漁歌唱夕陽何當更放江南棹君更橫琴  
我垂釣

搗衣篇

木葉蕭蕭下庭樹刺體西風窺洞戶縈思遠戍製  
征衣一院涼蟾白於露腕弱寧辭練織粗綿輕正  
恐邊霜泣昨宵夢裡到陽關今夕閨中搗匹素

短歌行

江漢雖廣有舟可乘秦華雖高有車可登眼有八

裘不畏霜凌執有紈扇不畏暑蠅西風入懷殘月  
明空階梧桐夜氣清壁劍時作蛟龍鳴掩鏡自顧  
嘆且驚顏色枯槁大藥難成對彼卮酒悲短歌聲

方密庵造墨歌

黃山之松蟠龍虬奮鱗怒爪撐窮幽誰歟造墨剖  
靈奧沐浴日月萬象收方君嗜古抱墨癖避客結  
屋黃山陬碎取松心斫松骨輕烟裊裊光油油蓬  
頭奴子赤腳婢千杵萬杵日不休黏以鳳喙屑青  
玉韜以豹革泥黃鏐渡海一螺式徒異磨人半笏  
名空留元霜紫雪品甲乙飲香餐色情綢繆精神

二亭詩鈔

卷之二

七古

六

所貫物亦異如彼庖丁無全牛奚超父子迹已逸  
聲施藝苑窮羅搜感君遠寄先贈我什襲不啻天  
府球索我賦詩學坡老潘谷所造非子儔子魯君  
房避十舍小華之輩慚汗流悠然念君在黃海三  
十六峯風雨秋

送楊漑夫之粵東

江鄉連年苦赤旱飛蝗蔽天去復返穀飢菜饑哀  
鴻多貧士日中未炊飯凜凜朔風入夜號窮冬禦  
冷惟縕袍出門入門無所告憂心怛怛形焦勞楊  
生攻詩兼服賈物貴囊空費撐拄一身飢寒豈足

憐無那楊生有父母上堂告父母入室語妻子不  
辭遠依人遙遙五千里欲留不得且離家行行烟  
水杳無涯趙陀臺上雲噴墨大庾嶺頭梅著花生

師我友閔八丈

并玉

愛生之才目無兩贈生詩篇留

生行言辭凄惋心悒快揚州富兒賤風雅徵歌選  
舞恣揮酒楚楚盛衣裳翩翩耀輿馬楊生問學習  
六經未必遜彼吳趨伶美玉誰憐和氏璞芳蘭自  
藝謝家庭楊生楊生母躋躋古人失路多咨且帝  
里碎琴陳伯玉臨邛滌器馬相如嶺南白雲飛片  
片游子低徊憶鄉縣奚囊歸有陸賈金報荅春暉

### 二亭詩鈔

#### 卷之二

七古

七

### 寸草心

除夕前二日牛揮雲太守招遊桃花菴

獵獵顛風逼除夕雪壓蓬門積盈尺抖搜敝裘支  
短筇來問山梅舊消息湖隄十里絕人行接天寒  
光水一色城中歲事競奔馳負此奇觀真可惜山  
僧飲我酒盈杯醉墨淋漓塗素壁歸途莫訝夜已  
深尙有剡溪舟一隻

### 莫愁湖

薰風莫愁湖無人搖艇子南朝王氣盡消沉水冷  
如央夕陽紫蕭蕭垂柳圍湖堤離離白雲陰湖水

多情不識莫愁家吹來香風荷菱花

聽項烟菴吹笛

濕雲夕歛輕陰薄雨洗花光漾寥廓十斛春愁黯  
不開來過羅郎澆酒闌烟菴項君秦淮客臥向胡  
床弄長笛絕塞風高斷雁悲寒江秋老啼猿澁餘  
聲裊裊逐游絲落日花前天宇闌憶予客夢少年  
塲桃葉桃根幾斷腸君歸試問清溪水應記風流  
桓野王

粥玉買薪歌

古人佩玉重其德今人玩玉愛其色用非其道猶

二亭詩鈔

卷之二

七古

八

沉淪使玉有知當太息沈郎玉如和氏珍走粥市  
上將易薪粥之不得淚沾巾無烟有塵生甑底吁  
嗟沈郎胡太貧君不見杜陵老歌劇黃精荒山道  
又不見朱翁子行歌負薪空谷裏水有荇兮山有  
薇忍使此玉失所歸丈夫落拓皆如此吁嗟沈郎  
胡爲爾

七夕擬樓上女兒曲同金棕亭吳梅查應

叔雅吳暮橋陳栢堂吳笠洲作

畫樓羅幕枕簟涼芙蓉漏遲秋夜長銀漢無聲珠

露光樓頭女兒成七襄佳期一笑牽牛郎

食蒿餅同古村作

君不見高將軍當明皇時食前方丈山海奇後來  
播遷買野蒿寄託感慨因成詩郊原積雪寒光肅  
兒童挑歸盈筐綠以之作羹餽餅餌不異大嚼屠  
門肉淡泊自與貧士宜富貴那能意恒足

王介甫集

雁湖李璧注

藝祖仁英積三代半山相公一旦壞福建子爲小  
人尤紹述繼之又二蔡流禍蔓延五國城徽欽骸  
骨同草芥文章學問亦可宗不恤人情性褊隘孜  
孜言利適爲害嗚呼士夫當炯戒

二亭詩鈔

卷之二

七古

九

燕來巢

燕來巢我屋年年情媚熟老妻歸黃泉霜天少眠  
宿今春燕復來慰我傷幽獨呢喃相下上頡頏戲  
追逐微物有至性我心寧無悲哀老多痼疾賤貧  
無佳期親朋誰相過蓬蒿翳柴扉燕兮燕兮莫我  
違待起秋風送爾歸

題張松存照

補齋先生子

盤螭匣中三寸鉄入夜光芒耿不滅摩挲肯報細  
碎讐要使男兒叫奇絕那知世事負初心顛毛對  
鏡凝霜雪憶昔交君兩童穉尙論古今四方志君

之尊人大布衣數向元亭問奇字是時同心三五  
人襟期磊落具偉器烟雲過眼一夢中山陽長笛  
飛花紅君爲傭書依破寺我緣餬口訓蒙童鮮衣  
怒馬邈年少土木形骸堪一笑西風吹老梧桐枝  
凄然感舊題君照

五言六  
梅槎歌

爲吳公三作

老梅空山不作花根迴幹屈盤龍蛇寒月墮水咽  
凍瀑野鶴出巢凌朝霞劫歷冰雪玉骨露剝蝕苔  
蘚塗丹砂我友吳子恣磨琢制成酒器名梅槎酒  
光鱗鱗古香發試就八韻手八义以之爲字寓嗜  
二亭詩鈔

卷之二

七古

十

痴終日相伴生無涯河上老人事已渺尋源使者  
言徒誇儒生局促自可笑注書矻矻窮蠹鮒何如  
乘槎泛溟渤花時爛醉仙人家

送汪芥亭歸吳門兼柬盧竹圃

汪君六法師三王水墨淡淹淹神飛揚鸞溪魚網任  
揮灑一水一石皆倪黃今年賣畫揚州道俗眼視  
之等秋草僧房道院春復秋艱難旅食憂心擣霜  
清露白寒月圓揚州富一歌舞天鴻聲酸楚落木  
急客子終宵不得眠曉來別我歸吳下片席驅風  
如矢射孔融宅裏青苔生何郎閣外梅花謝送君

壺頭酒一壺酒盡爲君歌嗚嗚嗚之聲不堪聽  
滄浪亭子堪乘興君家柴門對水開不遇何妨歸  
去來好寫青山自怡悅和寡由來歌白雪故人盧  
綸頗愛予終年不見思何如君歸爲我一相訪珍  
重錦鱗裁素書

醉歌東許一枝

多君酌我金屈卮殷勤相勸醉不辭醉來自厭貧  
且老短髮鬚髻似秋草白月西落江水東知音空  
盼南飛鴻行歌共笑朱翁子投轄誰爲陳孟公人  
生不泯惟恩怨劍光出匣飛寒電請看青青松樹  
二亭詩鈔

卷之二

七古

七

枝雪壓霜欺色不變

罷釣行

鄰塘水肥水瀾漫君持大網我垂竿千頭百尾相  
跳躍入網容易上竿難平素承君不我棄不道君  
心頓相忌却教主人折我竿預爲明日取魚地我  
竿旣折罷釣緝安知更無持網人他日塘乾魚竭  
後君應相見復相親

東吳暮橋

秋風宵狂震屋瓦林木怒吼雨如瀉頗憐寒氣砭  
肌膚襖褐短敞露兩髀君沽美酒衣我衣一身頓

覺春來歸燒鐙張蓋喚奴子殷勤送我歸柴扉先  
人遺書三萬卷未向茅檐一遍展零落朝昏易米  
薪對人自苦言辭蹇君之佳兒慧且聰延我爲師  
南齋中字畫句讀笑紕繆童子反似逾老翁更出  
藏書飽我讀古人一堂相徵逐自矜老眼尙無花  
從茲不復憂枵腹前年我作齊魯行君亦策馬游  
燕京浹歲相思不相見廿四橋頭空月明君雅多  
才四方志予也疎慵爲世棄應思坐雨西牕時掉  
頭歲月浮雲逝

送項七歸金陵

二亭詩鈔

卷之二

七古

三

憶君疇昔氣莽鹵挽弓兩石年十五床頭寶劍珠  
玉裝入夜遙遙鳴風雨黃金結客重然諾青眼睨  
人披肺腑玉壺酒暖朱唇歌錦帳春寒翠蛾舞志  
大才多命數奇輪蹄南北遭狎侮今年訪我揚州  
城落花尊畔鶯聲苦如我賣文囊無錢徑守遺經  
研訓詁白首相看我與君自云還家學農圃相如  
滌器難著書李廣不侯空射虎高堂廣厦厭梁肉  
何必好文兼慕武與君白眼望青天細碎恩仇何  
足數

汪生七齡失所怙交親一旦棄如土任氏遺孤衣  
葛衣謝眺書堂掩蓬戶賢哉生母備艱辛十指紡  
績易米薪夜深教生讀經史生年二十歌采芹上  
堂拜母母色喜文名籍籍驚鄉人生才有如此生  
豈常賤貧人情冷暖不足道白衣蒼狗驅浮雲冰  
霜自是生成德利器原從盤錯識由來人定可勝  
天柳母丸熊歐畫荻秋風鷹隼好騰鶩立身廊廟  
師昔賢好將母氏劬勞狀臚入蘭臺列女篇

贈盧竹圃

長歌篋裏射斗光短劍腰間騰虎氣銷磨白日少

二亭詩鈔

卷之二

七古

三

年心往事浮雲一嗟唏葛衣誰識任西華漂泊南  
北歸無家此時明月溪山夜何日東風桃李花苦  
吟僧榻春宵寒悲歌嗚咽行路難游絲罥蝶空堂  
午芳樹啼鶯客夢殘金錢沽取紅橋酒千秋文字  
名何有幾許君家坐上賓戴笠乘車不回首

賣牛歌

乙未

去年苦旱秋無禾今年夏熟飛蝗多三時降雨欣  
滂沱四野插秧聞農歌自夏徂秋無點雨禾苗枯  
槁成焦土去秋苦旱尚有草人雖忍飢牛可飽今  
秋苦旱草亦無賣牛易米炊糜餽牛無草食諒難

活牛死未必怨屠割牽牛紛紛入市屢壯碩牛價  
錢三千屠兒軒昂牛斂鯨農人掩面牛後哭戴勝  
飛鳴青草生明年有田無牛耕

思堂六叔招同蔣春農王夢樓家霞谷遊

宋詩 鐵佛寺

溪雪未盡天未黑暮野風狂少行迹來尋古寺哦  
寒詩姓名何用山僧識往者唐家失神器日尋干  
戈起盜賊羣雄競起營霸基春草殷紅瘞血碧東  
南王氣歸楊吳猶記梵宮爲故宅門外山色變朝  
昏殿角松聲歷今昔飢鳥遊人多苦聲凍雲出岫  
二亭詩鈔 七古 古  
無定力一叅鉄佛悟真空詩成大笑題僧壁

南王 送繆柱滄歸嚴州

朔風吹雨成雪花浙東客子剛還家曉山烟斂落  
僧磬寒潮月白紛魚艇燕趙歸來驅匹馬旗亭開  
尊酒如瀉返棹桐廬江水春看看君豈是長貧者君  
家世族著建安詩名照曜七子間勸君劍斂休輕  
彈紅梅已放嚴陵灘

宋詩 雪夜念齋留飲卽送游白下

朔雪落吳天敝裘透寒水床頭金盡酒不賒郢中  
調高人掩耳故人將發秣陵城乘興相過話別情

飲我美釀飽肉羹玉山顛倒千愁輕壯夫未達誰  
眼青老驥伏櫪空悲鳴紙窓風颯燭光她敗葉出  
林敲屋瓦生前富貴身後名悠悠難覓相知者長  
街擊柝燈火殘蓬門歸去空長嘆詩思羨君驢背  
上雪中看遍六朝山

題粟園吳丈山水爲喬琢圖作

喬君愛畫入骨髓錦軸盈櫥合衆美就中逸品粟  
園翁餘子紛紛盡披靡翁也西江老畫師力追古  
昔叅靈奇畢宏松樹王宰石往往於翁得見之倪  
黃不作翁其亞尺幅已值千金價揚州市上俗眼

二亭詩鈔

卷之二

七古

五

多魚目驪珠混高下喬君嗜好殊不同寶翁之畫  
如璜琮風柔日暄一張壁陰陰嵐翠侵簾櫳一曲  
清江萬頃碧匡廬山高好山色喬君相約買扁舟  
白雲深處尋翁宅

生日作

七十之年已過半歲月何堪供把玩黃金不成尊  
酒空轉眼浮雲幾變換藕花香裡午風微門巷蕭  
條畫掩扉好語兒曹學耕種讀書游俠計皆非

雪霽對月示履兒

曉來雪花大如手平地空村一尺厚漁歌樵唱杳

不聞靜掩蓬門搔白首倏然天地怒氣舒北風歛  
威濃雲除才見疎星漾深樹皎皎湧出金蟾蜍銀  
濤玉海相輝映置身如在清虛境天意由來難預  
期人事更張豈可定兒曹見月索賦詩瓦盆酒滿  
醉不辭卽將此意語兒輩人生貴賤那得知

送吳朗陵北上

澄湖冰泮春意融雪消嶺上梅花風故人示我文  
一軸雲霞耀海光熊熊君言乘風將北上爲貧就  
職資祿養萊衣壽酒淑景遲庭前花裡扶鳩杖男  
兒要爲天下奇世俗富貴非所期人意自高毛氏

二亭詩鈔

卷之二

七古

六

檄君心莫負范公藝友朋聚散尋常爾努力加餐  
報

天子回望江南烟雨中有客獨釣清江水

醉歌行酬張雲汀同李南洲董竹枝作

張子抱癖同嗣宗足遍萬里悲途窮登臨每發廣  
武嘆成名未必皆英雄今年又踏竹西路面目如  
昔詩逾工入秋過我暑猶酷竹樹無色火雲紅把  
子新詩一再誦秋風策策鳴梧桐沾酒斟酌數起  
舞醉歌慷慨情春融山東李侯太白裔南洲天下  
健者有董公竹枝古人所託固詩酒我輩豈遂終

蒿蓬

題焚樓集

乙酉四月念四日揚州城下大兵集鉄騎如雷城  
乍摧愁雲黯淡鬼神泣羅家烈婦語丈夫君幸爲  
計休踟躕男兒視死故易易膝下有子堂有姑背  
母孛子君速去不必與妾死一處招呼娣姒十三  
人端坐高樓反鍵戸榴花含笑菖蒲青行人已在  
東門路命婢燃炬高樓中火光灼灼徹天紅須臾  
城中鉄騎遍間巷爭羨羅家烈婦一死何從容君  
不見南都風昔多冠蓋怖死貪生同駟僮婦死烈

二亭詩鈔

卷之二

七古

七

兮臣死忠猶見揚州土一塊

題王陋夫山水冊子

君詩君畫無前師倦遊萬里眼如箕過君讀畫更  
讀詩春風料峭吹花枝曲聲希清且悲重低徊知  
者誰窮愁自是丈夫事筆墨徒爲時俗嗤不如且  
買湖上棹君舞我歌兩年少何由獻賦蓬萊宮徒  
勞走馬長楊道囊中金盡歎沉淪始識人情厭機  
巧酒杯局促凋朱顏雲壑嶽崎寄清嘯枝頭梅子  
抱酸生爾我相看心似搗時光轉眼如白駒我鬢  
沾霜君有鬚學書學劍良足吁古人不分賢與愚

君不見山有可煮之石水有可釣之魚何不乘輕舟披短襦上千仞之高峯入萬頃之平湖塵市碌碌胡爲乎請君更作五岳圖

贈汪階平

既不爲豪門客朝飲美酒暮食肉又不作大府吏囊飽金錢挾聲勢何爲奔走西復東年未四十兩耳聾鬢鬢于思面鰲黑汪生汪生何龍鍾自云家世本清門形容雖悴氣骨存讀書已破十萬字途窮未受一飯恩示我文卷大如竹排彘合我心魂奔松風颯颯山雨驟黃河九曲來崑崙賞君文字

二亭詩鈔

卷之二

七古

六

酌我酒大杯小斝盡一斗君家兒女牽衣啼晌午朝餐炊未有時欲暮歲將更爲君歌稀歡聲

程君豆田二子歌

程君五十始舉子瑤環瑜珥世莫比大兒八齡日千言背誦六經瓶瀉水小兒聰穎才更殊五歲卽能擘窠書有時肘力或不足欻斜如學黃與蘇種德必有後斯語良不誣程君積善士獲此雙明珠母乃天上麒麟種誕降君家聲價重昂昂千里骨格成一鳴堪教萬馬竦作歌愧我非杜陵程君二子邁徐卿昏花老眼望秋旻待聽翔雲鸞鳳聲

題吳子聰印冊

小學不傳六書昧徑趨簡便逞姿媚許氏說文推  
近古也爲女陰理亦悖中郎石經渺難求廟碑墓  
碣拾殘墜居今追古有吳生筆力何止吾趙配探  
討餘閒鏤竹石春水秋山相晤對紛紛爭以斯技  
名見之豈啻三舍退丈夫心胸若太虛何爲局促  
轅車內請君放眼雲鳥書莫與俗學辨方位

酬南洲李丈過訪

山東奕葉宰相孫觸熱訪我揚州市裸跣追涼臥  
北窻啟扉忽訝神仙至籜冠藤杖老鶴形芭蕉葉

二亭詩鈔

卷之二

七古

九

映鬚眉清相逢大笑無一語倒我床頭雙玉瓶夕  
陽挂天清颺發海大如杯山似髮人生會合何可  
期洗盞更待松間月

旌表李孝子詩

孝子名文場乾隆乙酉科選拔李君得心  
情紛間長子也封股救父相繼而殞年十八奉

旨旌表建坊

霜樹烏棲聲啞啞燈青月黯風號夜阿翁二豎侵  
膏肓醫家坐待形神化自思草木難回生割肉代  
藥或可藉股瘦刀銛血色新衣如猩紅淚如瀉彼

蒼玉成孝子名冥司鬼伯羣相迂語弟龜勉隨高  
堂笑侍阿翁歸泉下

三十三竿青琅玕歌爲吳暮橋作

三十三竿青琅玕吳君闢地新種竹翠烟一徑鋪  
綺苔綠霧半窓隱紗縠洗枝壅土加殷勤低者拂  
簷高出屋寒宵蒼雪看霏霏和日秋聲聽蕭蕭卜  
居已擇峨眉仙寫照不煩湖州牧結根冉冉東山  
阿抱節漪漪洪水澳好事王郎世已希衡門靜掩  
媚幽獨漫誇渭川千畝萬戶侯何如日對三十三  
竿把書讀

三亭詩鈔

卷之二

七古

三

張堯峯將卜居邗上詩以速之同閔玉井

葉詠亭吳梅查楊漑夫吳暮橋管壘白陳

樟亭作

浙西書法與詩才張君少時推並美老友金

壽門

杭堇圃周穆門厲樊榭符葯林 往往爲君屈一指

今秋遊倦錦城回更欲卜居住邗水芍葯巷中春

雨紅葉黃灣畔秋烟紫載酒問奇我所忻敲門看

竹君亦喜蓬扉夏屋難相形周北張南差可比好

鳥深林宅一區駿馬長塗心萬里自幸衰年有德

隣緒餘飽飯從茲始



